

Deo optimo maximo uni & trino, Virgini Deiparæ, & sancto Luca orthodoxorum Medicorum Patrono.

1579

QUÆSTIO MEDICA,

Cardinalitiis disputationibus manè discutienda in Scholis Medicorum, die Jovis decimâ octavâ Martii, 1706.

M. CLAUDIO BOURDELIN, Serenissimæ Burgundionum Ducissæ Medico perpetuò ordinario, Regiæ scientiarum
Academiæ socio, Doctore Medico, Præsidente.

In nutriendis ægris, esinè Consuetudinis ratio habenda?

SECUNDÆ valetudinis & morborum communia præsidia sunt, Cibus & Potio. Sanitatis studium est non satiari cibis. Optimum morbi medicamentum est, cibus convenienter datus: opportuno tempore, iustâ quantitate, apti generis, & qualitatis. Hæ res dispensandæ sunt ex morbo, viribus, & consuetudine, nec prætermittenda observatio ætatis, Constitutionis corporis, Tempestatis, & Cœli. Ista verò, quia sedulitatem exigunt, negliguntur à multis. Ægrorum victum plerique ex suo more moderantur, qui parè & duriter vivit, abstinentiâ ægros macerat, dum alius, non nisi largiore & pleniore victu contentus, suis indulget. Næ ambo vehementes in utramque partem sunt nimis, atque in commoda ægotantium graviter peccant; gravius in sua ægotantes, dum sibi victus normam temere arrogat; ut enim quisque adhuc valens avidior & intemperantis consuetudinis acculationem habent. Quasi verò adeò prava paucorum dierum, paucorum mensium, vel saltem annorum consuetudo, unde sæpius ægotarunt, servanda foret. Illius in nutriendis ægris habenda ratio, quæ gentilitia est, aut inveterata.

CONSUETUDO natura acquisita est; magna ejus vis. Consuetæ jamdiu alimenta, etiam si deteriora sint, insuetis melioribus, minus molesta solent esse. Id omnibus notum est, & quisque plus satis expertus est. Similiter consueti solitos labores ferre, quamvis invalidi & senes sint, insuetis melius ferunt licet robustioribus. Rationem subjicere si licet, hæc probabilis, & par utrimque videtur. Ut exercitia laboriosa alacriter sustinet assuetus, quod musculorum, tendinum, ligamentorumque fibris, atque ossibus eandem in partem reiterato sæpius simili exercitio contractis, similiter curvari deinceps pronum sit: Sic consuetum alimentum commodè concoquitur, id est, à ventriculo commoliente teritur, & in chylum liquatur. Hæc commolito exercitium est fibrarum, quæ frequentibus contractionibus, iisque similibus pro simili alimento atterendo, facilitatem faciunt sese eodem modo contrahendi. Liquatum jam alimentum sanguini, pari olim mechanicâ confectio, commiscetur sine tumultu. Ole, & cum ipso placidè decurrit. Quæ deinde decedere debent ex novo illo succo, consuetudo naturæ vim obtinet, non immutanda; & si necessitas incidat, paulatim id faciendum, nec nisi corpore valente; dum enim ægrum, minus tutum est.

COMMODIS nutrire ægros temporibus magni res est in arte momenti; indè enim morbus brevior & securior redditur, periculosior verò & longior, si alienis temporibus alimenta offerantur. Alimenti tempora designant morbus & consuetudo. In acutis morbis rariùs alendus est æger, quod mali longitudo sustinere possit. Acutorum initium abstinentiam desiderat, quæ Triduana, Quatriduanaque non sit; acutorum enim inanitiones ad extremum perducere periculosum est. Plurimi falluntur, qui incontinentem sic se acutum sublauros sperant; id interdum succedere potest, sed sæpissime fallit. Acutorum initia aliud desiderant: in detractionem procedere oportet; in vigore subtrahendum est, & in judicatione: Phylonis filia liberali hæmorrhagiâ liberabatur à morbo, sed intempestivè cœnata mortua est. In paroxysmis quoque febrium subtrahere oportet: & quicunque morbi per periodos exacerbantur, in eorum paroxysmis subtrahere decet. Cæteris temporibus securius datur alimentum: & inclinante vigore, & factâ judicatione, & finito paroxysmo, aut decedente. Quædam tempora necessaria faciunt consuetudo; bis, ter, aut pluries cibari qui assuevit in sanitate, toties in morbo alendus est. Consuetudinis istius mutatio & sanum & ægrum lædit. Nihil tamen horum utique perpetuum est, nam quolibet tempore morbi, quolibet die, & sæpius eodem die necessarium esse potest alimentum, si imbecillitas adsit aut timeatur.

OMNE curantis consilium ad vires dirigi debet. Multum interest scire, vires inopiâ, an onere deficient; quia hæc abstinentiam, illæ refecionem desiderant. Difficilis interdum dignotio; similitudines enim imponunt. Salutem tamen, aut mortem afferunt hæc cognita, aut ignorata. Nam maximum malum est, si ob dolorem vel aliam irritationem, vel acutiem morbi debilitato quis offerat potum, sorbitionem copiosior vel cibum, putans ob vasorum inanitionem debilitatum esse. Periculum etiam affert ob vasorum inanitionem debilitatum non agnoscere, & ratione victus ulterius inanire, indecens est hic error, & ridiculus; si enim alius medicus, aut etiam plebejus accesserit, & cognoverit ea quæ acciderunt, & dederit cibum & potum, quem alter prohibuerit, manifestò videtur auxilium attulisse, & velut mortuum suscitasse. Inanitus est æger, ubi præcessit vigilia longior, fusior alvus, inedia multorum dierum, immodicus sanguinis fluxus, fames adest, artieriarum exigui imbecillique pulsus sunt: pulsui tamen non omnia credere oportet, quem facile mille res turbant. His in casibus inanitionem agnoscere expeditum est. Verum quædam sunt corporum proprietates, unde alia aliis citius inaniuntur, quas detegere promptum non est; ad id aptior est medicus amicus, quam extraneus. Igitur viribus exhaustis protinus alimento succurrendum est; his quantitas ejus definienda est, & morbo. Concedendum tamen est aliquid tempestati anni, regioni, ætati, & consuetudini.

GENUS alimenti potulentum, sorbile, & solidum est: Potus, sorbitio, & cibus. Hæc exigue, mediocriter, aut valenter nutriunt. Ad morbum, vires, & consuetudinem accommodanda sunt. Alias habent qualitates, unde aliud aliis vel corpori, vel valetudini idoneum est. Acutis morbis potus & sorbitio, cibus longis convenit; utrique hoc vel illo genere nonnunquam indigent. In acutis sorbitionem ex oryza, hordeo, aut avenâ confectam jusculis carniarum quidam præferunt, quoniam lenior venis commodius committitur, minùque inæstuat. Consuetudinis causâ juscula præponenda sæpius sunt; pro acuti motu imbecilla, aut valentia sunt. Potulentis annuerantur aqua, pitana nostras, apozema, lac, & vinum. Aquâ securius & larius in morbis humescunt assueti; frigida, glacie refrigerata, egelida pro consuetudine concedenda est. In vigore acutorum largius hausta morbum copioso interdum sudore digerit; in principio acutorum, & paroxysmorum initio minus utilis, quam, ore & faucibus requirentibus, interior pars non requirit. Quos offendit aqua, pitana vel apozemate utantur, sitim bene placent, & ad alia proficua sunt. Lac quorundam longior morborum alimentum est & medicamentum, febribus longis & tenuibus aptum est. Vinum in acutis non denegare cogit consuetudo. In peccatoris morbis ad promovendam sursum expurgationem dabit Hippocrates: Qui paulò deteriore & cibum & potum, suaviorem tamen, melioribus quidem, sed insuavioribus, pronunciavit esse præferendum. Tanta vis inest in ipsâ consuetudine;

Ergò in nutriendis ægris, Consuetudinis ratio habenda.

F.M.P.
BIBLIOTHECA

Proponebat Parisiis SALVATOR CLUSCARD, Albienfis, Baccalaureus Medicus. A. R. S. H. 1706.